

XIX.

*Predicationes Tropice referri ad Logicam nequeunt, nisi reducantur ad significationem propriam.*

XX.

*DEUS non potest vocari individuum, sed rectius appellatur singulare.*

XXI.

*Individuum vagum verè est individuum.*

XXII.

*Quando nomen Ludovicus predicatur de XIV. Regibus Gallie, aut Carolus de V. Imperatoribus, predicatio est æquivoca.*

XXIII.

*Principium individuationis est existentia, unde res sic apta, admittat demonstrationem: HOC EST; hæc igitur aptitudo, quam aliqui vocant hæcceitatem, non est individui differentia constitutiva, sed proprium consequens.*

XXIV.

*An analogæ cum univocis debeant confundi, ampla controversia est; cui tamen medetur distinctio conceptus formalis, & objectivi. Dari enim potest univocatio formalis, cui accurate non respondet objectiva.*

XXV.

*Qui admittunt analogæ attributionis, ea tamen adhuc separare debent ab illis terminis, qui Aristoteli dicuntur communia ad unum.*

XXVI.

*Alium quoque usum habet doctrina univocorum, & paronymorum: quippe ostendunt terminorum convenientiam, adeoque fundamentum afferunt propositionum affirmativarum.*

XXVII.

*Ex adverso terminorum repugnantiam, h. e. fundamentum propositionum negativarum præbet doctrina distinctionis, & oppositionis.*

XXVIII.